



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. IV. An scientia media doctrinæ sancti Augustini & Divi Thomæ
repugnet?

[urn:nbn:de:hbz:466:1-77232](#)

ARTICULUS IV.

An scientia media doctrinæ S. Augustini & D. Thomæ repugnet?

Licet authoritas D. Augustini & S. Thomæ, in omnibus sit venerabilis in Ecclesia, in his tamen que spēdant ad materiam de gratia, & prædestinatione, aliisque ad hæc pertinentibus (qualis est præsens difficultas) tanti ponderis est, & momenti: ut Hormisdas Papa in Epistola ad Possessorem Episcopum, & Joannes secundus in Epistola ad Avienum Senatorem, remittant Catholicos ad libros Augustini, ut ibi videre possint, quid in hac materia, Romana asseveret Ecclesia. Et in celebri illa disputatione, coram Clemente VIII. & Paulo V. circa hanc questionem habita, ad doctrinam S. Augustini & D. Thomæ, tanquam ad lycum lapidem, utriusque opinionis examen relatum est. Propterea utriusque Sancti Doctoris mentem & doctrinam, supra omnem aliam humanam rationem, diligenter hinc oportet inquirere.

§. I.

Demonstratur scientiam medium, fuisse ab Augustino reprobata; non solum quantum ad abusum, sed etiam quantum ad substantiam.

19. **V**T mens & doctrina Augustini, circa præsentem questionem faciliter possit innoscere, tria breviter hinc præmittenda sunt. In primis sciendum est, quod D. Augustinus, lectionis Epistolis Hilarij & Prosperi, quibus errores Semipelagianorum referabantur, & exprimebatur præscientia illa futuron conditionatorum, independens à decreto, eoque anterior, quam illi docebant; & quā utebantur, tum ad defendantum errorem illum, quō afferebant gratiam semper dari à Deo, intuitu boni operis, absolute, vel sub conditione prævisi: tum etiam ad conciliandam cum prædestinatione & decretis divinis, humanam libertatem, quam afferebant tolli, si divina constitutio, seu decretum, humanas præveniret voluntates: ut constat ex articulo præcedenti. Acceptis, inquam, illis Epistolis, duos scripsit libros: unum de prædestinatione Sanctorum, & alterum de bono perseverantiae, quos ad Prosperum & Hilarium direxit; & in quibus suam mentem & doctrinam, circa et quæ ab ipsis fuerant sibi proposita, clare expressit. Quare ex his libris, tanquam ex purissimis fontibus, vera & germana Augustini, ac proinde totius Ecclesie doctrina, circa propositam questionem, haurienda est. Ut declarant verba Hormisdas Papæ ad Possessorem Episcopum, in fine Epistola, ubi inquit, *Quod ea quæ senti Romana Ecclesia de gratia & libero arbitrio, ex libris S. Augustini, maxime ad Hilarium & Prosperum, cognosci possunt.*

Sciendum est præterea, quod Hilarius in predicta Epistola ad Augustinum, illum moneret, ei que significat, quod Semipelagiani probare contendeant, præscientiam illam futuron conditionatorum, à divino decreto independentem, eoque anteriorem; non solum auctoritate Patrum Græcorum, qui Augustinum præcesserant, sed etiam testimonio ipsiusmet Augustini, qui dixerat in libro de sex questionibus Paganorum (hic est Epistola 46. tomo 2.) quod *Tunc voluit Christus hominibus apparere, & apud eos predi-*

A care suam doctrinam, quando, & ubi sciebat, qui in eum fuerant credituri; & quod prioribus suis, tam plenum infidelibus orbem noverat, ut eis apparere, vel predicare merito nolle, quos nec verbis, nec miraculis suis credituros esse prescibebat. Verba Hilarij Augustinum alloquenter sunt hæc: *Et hoc non solum aliorum Catholicorum testimoniis, sed etiam Sanctitatis tuae testimonio, disputatione antiquiori se probare testantur, ut et illud quod dixit Sanctitas tua, in questione contra Porphyrium, de tempore Christiana religionis, tunc voluisse hominibus apparere Christum, & apud eos predicari suam doctrinam, quando sciebat, & ubi sciebat, qui in eum fuerant credituri.*

Scendum est tertio, nomen prædestinationis usurpari à SS. Patribus, non solum in ea stricta significatione, quā communiter accipitur à Theologis, pro transmissione scilicet creaturæ intellectualis ad aeternam beatitudinem: sed etiam in sensu magis amplio, & in significatione latiori; pro ordinatione scilicet aeterna, cuiuscumque rei à Deo efficiendæ in tempore: seu pro quocumque decreto præordinante, ac prædestinante futuritione rerum; in quo sensu aliquid esse à Deo prædestinatum, idem significat ac esse ab illo prædefinitum. Sic nomen prædestinationis accepere Dionysius de divinis nomin. cap. 5. Damascenus oratione 1. de imaginibus. Isidorus libro 5. sent. cap. 18. & Augustinus Tractatu 10. in Joan. ubi ait: *Deus omnia futura prædestinavit, & Tractatu 68. Deus fecit futura, ea prædestinando, & eorum causas preparando. Ubi manifestè accipit prædestinationis nomen, pro decreto quod Deus prædestinat res, etiam ordinis naturalis. In eodem sensu illud usurpatum Authorib[us] de prædestinatione Dei, qui habetur inter opera Augustini, post librum de bono perseverantiae, & à Lovaniensibus in appendice rejetus est. Dixit enim: Deus prædestinavit, ut cœlum semper volveretur, terra immobilis, circumvolventi cœlo, loco centri haberetur, sol & luna nocti dieique præsens &c. His præmissis,*

Dico primò: Scientiam medium doctrinæ D. Augustini apertissimè repugnare, & ab illo pluribus in locis fuisse reprobata: non solum quantum ad abusum, sed etiam quantum ad substantiam.

Probatur primò conclusio ex cap. 10. libri de prædest. Sanctorum, ubi ait: *Prædestinatione quippe Deus ea prescivit, qua fuerat ipse facturus. Et infra: Quando promisit Abrabæ fidem Gentium, non de nostra voluntatis potestate, sed de sua prædestinatione promisit: promisit enim quod ipse facturus erat, non quod homines &c. Ex quibus verbis duplex sumo argumentum, ad probandum D. Augustinum reprobasse scientiam medium. Primum est: Quæ Deus est facturus, ex sua prædestinatione prænoscit: At Deus omnes actiones nostras, quantumcumque liberas, facturus est: Ergo illas in sua prædestinatione præcognoscit, id est in decreto efficaci; ac proinde non datur in Deo præscientia futuron, independens à decreto, eoque anterior.*

Secundum sic potest proponi: Quod Deus promittit, non de nostra est potestate, sed de sua prædestinatione, inquit Augustinus: At Deus multoties promittit nostras actiones liberas, sicut quando promisit Abrabæ fidem, & conversionem Gentium: Ergo illas de sua prædestinatione promittit, easdemque in illa cognoscit, & sic idem sequitur quod prius.

23. Probatur secundò conclusio ex alio Augustini testimonio, desumpto ex cap. 9. ejusdem libri de prædestinatione sanctorum, ubi incipiens respondere Semipelagianis, qui ex ejus testimonio, sumpto ex libro de sex questionibus Paganorum, probare volebant præscientiam illam futurorum conditionatorum à decreto independentem: responder quod quando dixit in prædicto libro, *Tunc voluisse hominibus apparere Christum, quando sciebat qui in eum fuerant credituri*: hoc intellexit sine præjudicio latentis consilij Dei; id est non-excludendo divinum decretum, licet illud ibidem non expresserit. Verba Augustini sunt: *Illiad autem quod in Opusculo meo quodam contra Porphyrium de tempore Christianae religionis me dixisse recolitis, ita dixi, ut hanc diligenterem, & operosorem disputationem de gratia præterirem &c.* Et postquam de verbo ad verbum recitavimus id quod in illo opusculo afferuerat, addit: *Cernitis ne, me sine præjudicio latentis consilij Dei, aliarumque causarum, hoc de præscientia Christi voluisse dicere, quod convincende Paganorum infidelitatibus, qui hanc obiecserant questionem, sufficeret videverus? Quid enim est verius, quam præcisus Christum, qui, & quando, & quibus locis in eum fuerant credituri: sed utrum predicatori sibi Christo, à seipso habituri essent fidem, an Deo donante sumpturi? Id est utrum tantummodo eos presciverit, an etiam prædestinaverit Deus credituros? quarere ac differere tunc necessarium non putavimus. Proinde quod dixi, tunc voluisse apparere Christum, & apud eos predicare doctrinam suam, quando sciebat, & ubi sciebat, qui electi fuerant in ipso ante mundi confiunctionem.* Hac Augustinus: Ex quibus verbis duplex etiam argumentum defumo.

24. Primum est: Idem est apud Augustinum Deum præcisus fidem hominum, ac homines illam habituros esse à se; & idem est habere Deo donante fidem, ac Deum eorum fidem prædestinasse. Patet hoc manifestè, nam Augustinus unum per aliud exposuit, & ut terminos aequivalentes accipit, ut patet ex illis verbis: *Sed utrum predicatori sibi Christo, à seipso habituri essent fidem, an Deo donante sumpturi: id est utrum tantummodo eos presciverit, an etiam prædestinaverit Deus credituros?* Ubi explicat, & pro aequivalente accipit, Deum tantum præcisus hominum fidem, sub conditione prædicationis Christi, & eos illam à se habituros; & pro eodem accipit, homines Deo donante fidem esse sumpturos, ac Deum illorum fidem prædestinasse. At homines, nec in statu absoluto, nec in conditionato, fidem à seipso sunt habituri, sed in utroque statu, Deo donante, fidem sumpturi: Ergo in utroque statu, non solum præscitur, sed etiam prædefinitur hominum fides; & consequenter in utroque statu, medià prædestinatione, id est decreto efficaci, cognoscitur. Et sic evanescit scientia media, que est cognitio futurorum conditionatorum, independens à decreto, & prædefinitione divina voluntatis.

25. Secundum argumentum est: Futurum de quo hic loquitur Augustinus, est conditionatum; & de eodem affirmat, illud esse prædefinitum, & ideo præscita à Deo: Ergo ex ejus mente, futura conditionata à Deo sunt prædefinita, & ideo præscita. Consequentia patet, Antecedens

A probatur dupliciter. Primo quia de eodem futuro respondebat Augustinus, de quo interrogat Hilarius: At Hilarius interrogat de futuro conditionato, scilicet de eo quod in sexta questione contra Porfirium Augustinus docuerat, scilicet *Christum tunc voluisse hominibus apparere, quando sciebat, & ubi sciebat esse, qui in eum essent credituri:* Ex quibus verbis Massilienses suam doctrinam confirmabant, & malè inferabant, ex fide prævisa in statu conditionato, Deum ad præmiandum moveri, & ex demeritis sub conditione prævisis, ad puniendum. Ergo responsio Augustini de eodem futuro debet intelligi. Secundò probatur idem Antecedens. Augustinus hic loquitur de eodem futuro, de quo in questione sexta Paganorum fuerat locutus; quod negari non potest, cùm locum ipsum illius libri ibi explicet, & evolvat: At ibi sermo erat de fide hominum sub conditione prædicationis Christi; cùm unum ex præcipuis testimoniorum, unde ex Augustino colligunt Adversarij, certam conditionatorum notitiam in Deo, ex prædicto loco defulant. Ergo fateri debent, loqui hic de eodem futuro, scilicet de fide Gentium, sub conditione prædicationis Christi.

B Probatur tertio conclusio ex alio libro quem Augustinus etiam edidit, post acceptas Epistolas Prosperi & Hilarij, & quem de bono perseverantiae inscripsit. Nam cap. 9. illius libri, expōnens hunc locum Matth. 11. *Si in Tyro & Sidone facte fuissent virtutes &c.* quō communiter utuntur Adversarij, ad probandam scientiam medianam; dicit in eo prædestinationis mysterium maximè à Domino commendari, & addit: *Si queratur à nobis, cur apud eos tanta miracula facta sint, qui ea non fuerant credituri, & apud eos facta non sint, qui crederent si viderent, quid respondemus?*

C Nunquid dicti sumus quod in libro alio dixi, ubi sex quibusdam questionibus Paganorum, sine præjudicio tamen latentis consilij Dei, & aliarum causarum, quas prudentes possunt investigare, respondi. Et referens quomodo in illo libro respondeat illi questioni, cur Christus post tam longa tempora venerit: quia scilicet præsciebat, quod nec verbis, nec miraculis suis credituri essent homines, si a te veniret, subdit: *Hoc cerè Tyro & Sidone non possumus dicere, & in eis cognoscimus, ad eas causas prædestinationis, hec divina iudicia pertinere, sine quarum causarum latentium præjudicio, tunc ista responderemus.* Ita respondere me dixi. Quibus verbis confirmat responsionem & doctrinam quam tradidit cap. 9. libri de prædestinatione Sanctorum, & iterum declarat, quod quando dixerat in libro de sex questionibus Paganorum, *quod tunc Christus voluit hominibus apparere,* & apud eos predicari suam doctrinam, quando, & ubi sciebat, qui in eum fuerant credituri, hoc intellexit sine præjudicio latentis consilij Dei, & sine exclusione divini decreti. Quare D. Thomas 3. parte quæst. 1. art. 5. ad 2. proponens eandem difficultatem, cur scilicet Christus prioribus saeculis non venerit? & referens responsionem Augustini in libro de sex questionibus Paganorum, *Quod tunc voluit Christus apparere, quando sciebat, & ubi sciebat, qui erant in eum credituri:* dicit Augustinum reprobathe hanc responsionem, cùm in libro de dono persever. cap. 9. ait Tyros fuisse credituros, si eis prædicaret Christus, & tamen noluit eis prædicare.

D E hoc erui potest argumentum efficax, ad de-

27.
O o ij

monstrandum D. Augustinum reprobasse scientiam medium, non solum quantum ad modum illum erroneum, quo ponebatur à Semipelagianis, sed etiam quoad substantiam ipsam, & sicut nunc ponitur ab ejus defensoribus. Nam D. Augustinus, ut testatur D. Thomas fidelissimus ejus Discipulus, reprobavit cap. 9. libri de bono perseverantiae, quod dixerat in libro de sex quest. Paganorum, nimurum quod Christus tunc voluit hominibus apparere, quando, & ubi scibat, qui in eum fuerant credituri. Quibus verbis præscientiam hujus futuri conditionati, *Si Christus apud homines predicit, credent, à decreto independentem, admisere videbatur; ut ipsi obijicabant Semipelagianis, sicut testatur Hilarius in Epistola ad Augustinum.* Sed D. Augustinus cap. 9. libri de bono perseverantiae, non reprobavit præscientiam illam à decreto independentem, quantum ad abusum, & modum illum erroneous quo ponebatur à Semipelagianis: Ergo reprobavit illam quantum ad substantiam ipsam, & sicut nunc ponitur ab ejus defensoribus. Major est D. Thomas loco citato, Minor vero probatur. D. Augustinus cap. 9. libri de bono perseverantiae, solum reprobavit præscientiam illam à decreto independentem, eo modo quo illam tradidera in libro de sex questionibus Paganorum: Sed in hoc libro eam non expresserat, cum eo abusu, & modo erroneo, quo ponebatur à Semipelagianis: ibi enim non dixerat, quod fides prævisa, & præcognita à Deo, esset principium & motivum nostræ justificationis; & quod ejus intuitu Deus daret primam gratiam, & vocationem; immo nec leviter illud ibidem insinuaverat, sed ut ipse dicit in libro de prædestinatione Sanctorum cap. 9. solum ibi omiserat disputare, an illi qui præsciebantur credituri, à seipsis, vel Deo donante, habituri essent fidem: id est, ut ipsemet exponit, *An Deus tantum eos præscribit, vel etiam prædestinaverit credituros?* Ergo si cap. 9. libri de bono perseverantiae, reprobat talen præscientiam à decreto independentem, ut testatur Divus Thomas loco citato, eam reprobat quantum ad substantiam, & non solum quantum ad abusum, & modum erroneous, quo ponebatur à Semipelagianis.

28. Quartò probatur conclusio, ex eodem libro de bono perseverantiae, in qua S. Augustinus respondens D. Prospero, & suam mentem, & doctrinam exponens, circa questionem, de qua illum in sua Epistola interrogaverat, *An scilicet ea que sunt à Deo prescrita, sunt etiam ab eo prædestinata: ita ut præscientia sit submixta decreto, vel è contra decretum præscientia?* tradit duas regulas generales, ex quibus apertissime sequitur destrutio scientiae mediae. Prima habetur cap. 17. ubi Augustinus loquens de bonis operibus, quae Semipelagiani fatebantur esse à gratia Dei adjuvante, aut cooperante, non tam præparante & præoperante, ut suprà vidimus ex D. Prospero; sic loquitur, & discurrevit. *An foris nec ipsa dicuntur prædestinata? Ergo nec datur à Deo, aut ea se daturum esse nescivit. Quid si & datur, & ea se daturum esse prescritum, profecto prædestinavit.* Ex quibus verbis Augustini, duo possunt erui efficacissima argumenta contra scientiam medium.

29. Primum est: *Quidquid Deus donat & causat, etiam prædefinit & prædestinat:* Sed Deus donat & causat liberum consensum, quo homo v.

A g. consentit primæ vocationi ad fidem: Ergo illum prædefinit & prædestinat, ac proinde non cognoscit ut futurum per scientiam medium, antecedenter ad suam prædefinitionem & decretem. Minor est certa de fide, Major autem est D. Augustini loco citato, ubi loquens de bonis operibus à Deo prævisi, sic discurrevit: *An foris nec ipsa dicuntur prædestinata: Ergo nec datur à Deo.* Quibus verbis clarissime docet, omnia quae sunt à Deo data, & caussata, esse etiam ab illo prædestinata, seu prædefinita: unde, ut suprà vidimus, cap. 9. de prædestin. Sanctorum, pro modum usurpat, & quasi terminos æquivalentes accipit, habere aliquid à Deo donante, & illud habere à Deo prædilexante.

Secundum argumentum potest sic formati: Ex Augustino, *ea qua datur à Deo, & qua se daturum esse prescrivit, profecto prædestinavit:* Ergo nulla datur præscientia, saltem respectu eorum quae sunt à Deo data, & donata, esse etiam ab illo prædestinata, seu prædefinita: unde, ut suprà vidimus, cap. 9. de prædestin. Sanctorum, pro modum usurpat, & quasi terminos æquivalentes accipit, habere aliquid à Deo donante, & illud habere à Deo prædilexante.

C **31.** Secunda regula generalis, quam tradit idem Augustinus cap. 18. ejusdem libri de bono perseverantiae est: Ubi in Scriptura, vel Sanctorum Patribus invenitur nomen præscientie, & agitur de vocatione electorum, nomine præscientie debet intelligi prædestinatione: sic enim ibidem loquitur, *Deum prædestinasse, est hoc præcisus quod fuerat ipse facturus. Quid ergo nos prohibet, quando apud aliquos verbi Dei tractatores, legimus Dei præscientiam, & agitur de vocatione electorum, eandem prædestinationem intelligere.* Si autem datur in Deo aliqua præscientia bonorum operum, independentem à decreto, eoque anterior, falsa esset illa regula Augustini, ut constat: unde ipsi Adversarij docent, multa esse à Deo præscita, quæ non sunt prædefinita, & præscientia in Deo latius patere quam prædefinitionem; & ad hoc probandum adducunt plura testimonia SS. Patrum, qui Augustinum præcesserunt, que tamen ipsemet Augustinus exponit, & dicit illos nomine præscientie, intelligere prædefinitionem, sive præscientiam in decreto & prædefinitione fundatum; non vero præscientiam à decreto independentem, eoque anteriori. Plura alia Augustini testimonia prætermitto, quæ apud Salmantenses, & Joannem à S. Thoma videri possunt.

§. II.

Præcluditur aditus evasionibus Adversiorum.

32. **D**iplici evasione conantur Recētiores eludere. Re Augustini testimonia §. præcedenti exposita. In primis aliqui dicunt, quod quando Augustinus requirit ad præscientiam futorum, prædestinationem, seu decretem, loquitur de futuris absolutis, non autem de conditionatis. Secundò alij respondent, quod quando ille rejicit præscientiam futorum à decreto independentem,

33. eam solum reprobatur, quantum ad abusum, & modum illum erroneous, quod ponebatur à Semipelagianis: quatenus scilicet ex illa dicebant Deo exhiberi idonea motiva prædestinationis & gratia; non autem quantum ad ejus substantiam, seu substantiam.

Contra primam elusionem est primò, quod Augustinus locis relatis §, præcedenti, agit de illis futuris, de quibus à D. Prospero & Hilario fuerat interrogatus, & de quibus mentionem fecerat in libro de sex questionibus Paganorum: Sed illa, ut ibidem ostendimus, sunt futura conditionata; erat enim ibi questio de isto futuro, *Si Christus tali tempore, & loco, apud Gentiles predicassem, an illi credidissent, vel non?* Ergo quando D. Augustinus requirit ad illorum præscientiam prædestinationem, seu decretum, docet præscientiam conditionatorum, esse in decreto & prædestinatione fundatum.

34. Secundo, Augustinus cap. 10, de prædest. Sanctor. sic ait: *Prædestinatione quippe Deus ea præscivit que fuerat ipse facturus.* Sed que Deus fuerat facturus, non sunt absolute, sed conditionate futura: absolute enim futura, Deus absolute facturus est, non vero facturus fuerat. Ergo D. Augustinus intendit, Deum in sua prædestinatione, seu dectreto, cognoscere futura conditionata.

35. Tertio, D. Augustinus non solum docet, ad præscientiam futurorum requiri prædestinationem, seu decretum; sed etiam in ipsa prædestinatione, sive decreto, Deum futura cognoscere, ut constat ex his verbis: *Prædestinatione suā quippe Deus ea præscivit, que fuerat ipse facturus.* Sed hoc non potest verificari de futuris etiam absolutis, in sententia Adversariorum: licet enim quidam ex illis velint præscientiam absolutorum supponere decretum absolutum, negant tamen eam in illo fundari, & Deum in tali decreto futura absolute cognoscere; sed in eorum veritate objectiva, vel in causis secundis à Deo comprehensis, aut in aliis mediis supra disp. 4. à nobis impugnatis: Ergo illi longissime ab Augustino distant.

36. Quartò, Dato & non concesso, quod ibidem Augustinus loqueretur tantum de futuris absolutis, & non de conditionatis: hoc ipso tamen quod docet, illorum præscientiam esse in prædestinatione seu decreto fundatam, omnino excludit scientiam medium, & id ipsum de futuris conditionatis fatur. Nam si futura absoluta, in decreto cognoscantur à Deo, necessariò dicendum est, illud esse infallibiliter & ab intrinseco cum illis connexum; ac proinde de se efficax, & causans determinationem voluntatis humanae; si enim esset purè indifferens, & expectans determinationem à libero arbitrio, non posset esse medium, conducens ad certam & infallibilem, nostrorum actuum liberorum cognitionem; ut supra ostensum est, & ipsi Adversarij fatentur. Dato autem decretum ab intrinseco efficax, nostras actiones liberas prævenire, & causare determinationem voluntatis humanae; penitus evanescit & de medio tollitur scientia media, quae (ut profitentur ejus Defensores) cohærente non potest, nisi cum decreto indifferenti, & determinabili à voluntate creata, quantum ad speciem actus: Ergo &c.

37. Quintò, Si futura absoluta cognoscit Deus in sua prædestinatione, ut aperte Augustinus fatetur, est propter dependentiam quam habent ab

Tom. I.

A illa: Sed ab eisdem causis in statu conditionato dependent futura conditionata, à quibus in statu absoluto dependent futura absoluta: Ergo sicut illa videt in suo decreto efficaci, sic etiam hæc in sua prædestinatione cognoscit.

Sexto, Sic comparatur promissio conditionata, ad conditionatum decretum, sicut absolta, ad absolutum: Ergo si ex Augustino supra relato, quidquid Deus absolute promittit, de sua prædestinatione absoluta promittit, & consequenter in illa cognoscit; etiam quidquid conditionate promittit, de sua prædestinatione conditionata promittit, & in ea illud cognoscit.

Denique, Non est cur diutius in hoc immoratur, & amplius laboremus ad demonstrandum, Augustinum locis citatis loqui de futuris conditionatis, cùm P. Annatus hoc tandem fateri coactus fuerit epilogi libri supra citati num. 13. ubi ait: Augustinum illis verbis, *Vtrum illos præscierit tantum, aut prædestinaverit credituros, intelligere prædestinationem, non qua præcedat, sed qua accedit ad præscientiam fidei conditionatè future, evertens aut retrahens quidquid supra ad argumenta Salmanticensium, & Joannis à S. Thoma responderat, ut rectè observavit P. Baronius, lib. de libertate humana, & gratia divina.*

Secunda evasio Adversariorum confutata manet ex dictis §, præcedenti, ibi enim fusè ostendimus, Augustinum reprobat scientiam medium, non solum quantum ad abusum, & modum illum erroneous, quo ponebatur à Semipelagianis, sed etiam quantum ad substantiam: Tum quia Augustinus locis citatis exp̄lē rejicit omnem præscientiam à decreto independentem, & exp̄lē docet quod Deus prædestinatione suā omnia bona opera nostra præscivit, & quod si ea præscivit, profecto & prædestinavit. Tum etiam, quia, ut ibidem arguebamus, Augustinus reprobavit præscientiam futurorum conditionatorum à decreto independentem, eo modo quod illam tradiderat in libro de sex questionibus Paganorum, ut afferit D. Thomas 3. p. quest. 1. art. 5. ad 2. cuius verba supra retulimus: Sed Augustinus in libro illo de sex questionibus Paganorum, talem præscientiam tradiderat solum quantum ad substantiam, & non cum eo abusum, & modo erroneous, quo ponebatur à Semipelagianis: ibi enim non dixerat quod talis præscientia exhiberet Deo congrua motiva ad gratiam, sed solum quod Christus tunc hominibus voluit apparere, quando & ubi sciebat, qui in eum fuerant credituri: Ergo ille reprobavit scientiam medium, non solum quantum ad abusum, & modum erroneous, quo ponebatur à Semipelagianis, sed etiam quantum ad ejus substantiam, & prout modo ponitur à Recentioribus.

E Addo quod, idem S. Doctor præscientiam futurorum à decreto independentem, quam Pelagiani & Semipelagiani in Deo fingebant, ex duplice capite impugnat: primo quia propter bona vel mala opera sub conditione futura, nunquam tamen re ipsa ponenda, Deus neminem præmit aut punit; secundo, quia ante decretum, prædestinationem, seu prædefinitionem divina voluntatis, nihil est futurum: Ergo reprobavit scientiam medium, non solum quantum ad abusum, sed etiam quantum ad substantiam. Consequenter manifesta est, Antecedens etiam quod primam partem patet ex libro de prædestin. Sanctorum cap. 13, ubi S. Augustinus commentum illud Semipelagianorum, ad præscientiam futurorum

O o iij

conditionatorum recurrentium, ut eā redderent rationem, cur Deus aliquos parvulos reprobet, non verò alios, satis demirari non potest: *Iudicari autem quemquam (inquit) non secundum merita qua habuit, quandiu fuit in corpore, sed secundum merita qua fuerat habiturus. si diutius fuisset in corpore, unde opinari potuerunt homines, quorum ingenia non esse contemptibilia vix indicant littera (Proferum & Hilarium alloquitur, respondens ipsorum epistolis) & mirans & suspens reperiri non possum, nec credere non auderem, nisi vobis non credere non auderem.* Et libro de anima & ejus origine sic discurrevit: *Si peccata, quæ si homo viveret commisserit, etiam non commissa damnantur in mortuo, nullum beneficium collatum est illi, qui raptus est ne malitia mutaret intellectum ejus: quandoquidem iudicabitur secundum eam quæ in illo fuerat futura malitia, non secundum eam quæ in illo inventa est innocentiam, de nullo mortuo baptizato (etiam parvulo) poterit esse securitas; quia & post baptismum, non qualitercumque peccare, verum etiam apostatare homines possunt. Quid si ergo qui baptizatus binc raptus est, apostata erat futurus, si viveret? nullum ne illi beneficium putabimus esse collatum, quod raptus est ne malitia mutaret intellectum ejus; & propter Dei præscientiam, non sicut fidele membrum Christi, sed sicut apostatam judicandum esse censebimus? Quanto enim melius si peccata nondum facta, nondum cognita, sed præcognita & futura puniuntur, projicerent illi duo de paradyso ante peccatum, ne in loco sancto & beatifico peccarent?*

^{42.} Quoad secundam vero partem, nempe quod D. Augustinus impugnaverit etiam sententiam horum hæreticorum ex alio capite, nempe ex eo quod ante divinum decretum, nihil habet rationem futuri, etiam sub conditione, probatur ex variis ejus testimoniis. In primis enim S. Docto^r de prædestin. Sanct. cap. 14. contra predictos hæreticos disputans, & explicans illud Sapient. 4. *Raptus est ne malitia mutaret intellectum ejus, ait: Dictum est secundum pericula vite hujus, non secundum præscientiam Dei, qui hoc præscivit quod futurum erat, non quod futurum non erat: id est quod ei mortem immaturam erat præstaurans, ut tentationum subtraheretur incerto, non quod peccatus esset, qui mansurus in temptatione non esset. Ubi duo in hoc testimonio involvuntur, nimis quod immaturam morte ille esset rapiendus, ut temptationum subtraheretur periculis, & quod si ille diutius maneret in hac vita, in peccatum laberetur; & de primo asserit Deum habere præscientiam, quia posito decreto, talis effectus revera futurus erat, non verò secundo, quia cum de illo Deus nullum haberet decretum, non erat futurum. Unde concludit: Hoc præscivit quod futurum erat, non quod futurum non erat. Deinde lib. 2. contra duas epist. Pelagian. cap. 7. adducens exemplum de duabus parvulis, quorum unus cum baptismo, & alter sine baptismo moritur, subdit: *Quomodo præscivit ea futura quæ illis in infancia moritur, quia præscientia ejus fallit non potest, præscivit potius non futura?* Ubi præscientiam conditio natam ante efficax divina voluntatis decretum, quam Semipelagiani admittabant, non impugnat ex eo quod bonis vel malis operibus, per eam sub conditione previsis, Deus puniat, vel præmium largiatur, sed ex eo quod scientia divina falli non potest, & præscire aliquid futurum*

A quod revera futurum non est, ante decretum & prædefinitionem divinae voluntatis. Simili cursu utitur lib. 1. de anima cap. 12. dicens: *Ipsa exinanitur omnino præscientia, si quod præscitur non erit. Quomodo enim recte dicitur præscire futurum, quod non est futurum?* Prosper etiam in Epist. ad Augustinum, eundem Massiliensem errorem confutans, sic ait: *Præterita quæ non extant, futura quæ non sunt futura configuntur, novoque apud illos absurditatis genere, & non agenda præscita sunt, & præscita non acta sunt.*

Ex his in favorem nostræ conclusionis hæc ratio formari potest. Destructo objecto alicuius scientiæ, destruitur & ipsa scientia, quantum ad substantiam: Sed D. Augustinus objectum scientiæ mediæ destruit: Ergo & talem scientiam quantum ad substantiam reprobat. Major patet, Minor probatur. Objectum scientiæ mediae est futurum conditionatum, ut cognoscibile à Deo ante decretum, & prædefinitionem sua voluntatis: Sed ex Augustino nullum datur futurum, etiam conditionatum, ante decretum & determinationem voluntatis divinae: Ergo ex Augustino non datur objectum scientiæ mediae. Major est evidens, Minor verò probata manet ex dictis: Augustinus enim locis citatis expressè docet futura quæ Pelagiani fingebant, quæ conditionata erant, ut ex supra dictis patet, revera non esse futura, quia nimis illi volebant ea esse futura ante decretum & prædefinitionem divinae voluntatis, quæ est prima radix futuritionis & contingentiae rerum; existimabant enim opera nostra non fore libera, si decretum Dei efficax illa precederet, & si divina constitutio humanas præveniret voluntates, ut refert S. Prosper, supra relatus, in Epistola ad Augustinum.

Confirmatur ex eodem S. Doctore Tractatu 68. in Joan. ubi explicans hæc verba Isaiae 45. v. 11. *Hec dicit Dominus Sanctus Israël, plastes ejus: ventura interrogate me, legit secundum aliam translationem: Qui fecit que futura sunt, & subdit: Non enim ait qui facturus est que futura sunt, sed qui fecit que futura sunt; Ergo & fecit ea, & facturus est ea: nam neque facta sunt, si ipse non fecit; neque futura sunt, si ipse non fecerit: fecit ergo ea, prædestinando; facturus est, operando. Quibus verbis expressè docet Deum facere futura, ea prædestinando, seu prædefiniendo, subinde divinae voluntatis decretum & prædefinitionem, esse radicem totius futuritionis, atque adeo nihil posse concipi ut futurum, sive absolute, sive conditionatè, in signo rationis illam antecedente. Unde in libro de bono persever. cap. 17. in fine, loquens de initio fidei nostræ, & aliis operibus bonis ad salutem aeternam conducentibus, sic concludit: Si nulla est prædestinatio quam defendimus, non præsciriuntur à Deo, & ibidem sapienter repetit, Si Deus bona opera præscivit, profecto prædestinavit; que verò non prædestinavit bona, non præscivit. Et libro 26. contra Faustum cap. 4. reddens rationem cur nesciat an aliquid sit futurum, ait: Ideo nec scio, quia quid habeat de hac re Dei voluntas, me latet: illud me tamen non latet, sine dubio futurum, si hoc Dei voluntas habet. Quibus verbis omne genus futurorum à divina voluntatis decreto pendere statuit. Quare immediatè antea dixerat: Illud sane scimus, hoc de Elia factum, quod Deus voluntas habet; quod autem Dei voluntas non habet, fieri de quoquam omnino non posse. Ergo Sanctus Doctor aperte rejicit scientiam medium,*

quantum ad substantiam, & non solum abusum illius.

45. Confirmatur amplius: Augustinus tria passim docet quae generatim scientia media repugnat. Primum est, gratiam efficacem desumere vim suam ab omnipotentiissima Dei voluntate. Secundum, res dici & esse futuras a priori, quod a Deo sciantur. Tertium, Deum cognoscere creaturas in sua essentia, ut in causa. Quae omnia negant Adversarij, quod videant cum nullo ilorum seorsim, multo minus cum his tribus coniunctim, stare posse scientiam medium, quam a principiis omnino contraria desumunt. Ergo S. Doctor rejicit scientiam medium, quantum ad substantiam, & non solum quoad abusum, & modum illum erroneum, quo ponebatur a Semipelagianis. Consequens manifesta est, Antecedens vero, quoad secundam & tertiam partem, disp. 2. art. 1. & disp. 3. art. 4. oftensum est, & quantum ad primam, fusè Tractatu sequenti disp. 5. demonstrabitur, agendo de efficacia voluntatis divinae.

§. III.

Quid de D. Thoma?

46. IN omnibus semper Augustino adhæsit fidelissimus ejus discipulus D. Thomas, quare non potuit ei placere scientia media, si Augustino dispucluerit; nec ab illo approbari, si ab isto fuerit reprobata. Placet tamen hic breviter ostendere, quantum a doctrina D. Thomæ principiis talis scientia abhorreat, & quam longe ab ea differt. Defensores illius: non enim melius mens S. Doctoris inquire potest, quam ex principiis communibus, toti ejus doctrina connexis, cum nullibi hanc questionem ex professo pertractaverit. Unde

Dico secundo: scientiam medium pluribus principiis doctrinæ D. Thomæ aperiissimè repugnare.

Probatur conclusio multipliciter, exponendo scilicet plura principia doctrinæ D. Thomæ, quæ manifestè repugnant scientia media, & ex quibus evidenti illatione sequitur ejus destruccióne.

47. In primis evidens est, scientiam medium, non posse stare, destructio ejus obiecto: Sed D. Thomas destruit obiectum scientia media: Ergo & ipsam scientiam. Minor probatur: Obiectum scientia media, est veritas obiectiva propositionum contradicentium de futuro contingentium antea decretum, ut docent ejus assertores: Sed hanc veritatem obiectivam excludit S. Doctor variis in locis supra relatis, quibus docet contradictoriis de future contingenti nullam inesse determinatam veritatem, non solum quod nos, sed etiam quod se: nam lect. 13. super cap. 8. libri Periherm. negat hujusmodi contradicitoris veritatem, quia futurum contingens non habet esse determinatum in suis causis liberis. Et in 1. sent. dist. 38. quest. 1. art. 5. ad 2. ait: *Futurum contingens non est determinatè verum antequam fiat, quia non habet causam determinatam.*

48. Confirmatur: Idem S. Doctor 1. p. quest. 16. art. 7. ad 3. hac scribit: *Illud quod nunc est, ex eo futurum fuit antequam esset, quia in causa sua erat ut fieret; unde sublatâ causa non esset futurum illud fieri: sola autem prima causa est ex causa; unde ex hoc non sequitur, quod ea quae sunt, semper fuerit verum ea esse futura, nisi quatenus in causa sempiterna fuit, ut essent futura; quæ*

A quidem causa solus est Deus. Atqui non fuerunt futura in causa sempiterna nudi sumpta, sed per decretum determinata: Ergo ante illud decretum, D. Thomas nullam agnoscit veritatem in futuris contingentibus, ac proinde tollit obiectum scientia mediae.

Secundo, Unum ex principiis quod D. Thomas frequenter usurpat, est Deum non cognoscere res immediate in seipsis; sed solum in seipso, & in sua essentia tanquam in causa, & medio prius cognito. Ita expressè docet hic art. 5. in corpore, quod his verbis concludit: *Sic igitur dicendum est, quod Deus seipsum videt in seipso, alia autem à se videt, non in ipsis, sed in seipso.*

B Idem reperit in responsione ad primum. Item 1. contra Gentes, cap. 49. probat ex Dionysio, Deum omnia cognoscere in sua essentia tanquam in causa. Et cap. 65. ratione 5. *Cognitio* (inquit) *Dei est de rebus omnibus per causam: se enim cognoscere qui est omnium causa, alia quasi suos effectus cognoscit.* Quod cap. 67. extendit ad futura contingentia, & cap. 68. ad actus liberos nostræ voluntatis, ut ibidem videri potest. Ex hoc autem principio sequitur manifesta destructio scientiae mediae, cum enim essentia divina non sit causa rerum ad extra, nisi ut habeat adjunctam voluntatem, & nisi ut determinata per decretum: eò quod Deus non sit agens ad extra per modum naturæ, sed per modum liberi: si in illa tanquam in causa, & medio prius cognito, futura contingentia & libera cognoscit; evidens est illa non posse cognoscere antecedenter ad decretum, per scientiam medium.

C Tertium principium doctrinæ D. Thomæ est, rem esse futuram, esse denominationem extrinsecam, sumptam à preparatione, ordinatione, & determinatione caularum ad illius productionem. Ita docet quest. 2. de veritate art. 12. in corp. & ad 7. & in 1. dist. 38. quest. 1. art. 5. ad 3. Ex quo etiam principio solvit omnis scientia media, cum ex illo evidenter sequatur, nullum contingens esse determinatè futurum, absolute, vel conditionatè, independenter à decreto, & ordinatione, vel determinatione cause prime, ut constabit ex infra dicendis, demonstrando impossibilitatem hujus scientia.

D Quartò, D. Thomas docet scientiam Dei esse priorem rebus, nec ab illis mensurari, quantum ad veritatem, & certitudinem; sed potius esse illarum regulam, & mensuram, ut videri potest in hac quest. art. 8. ad 3. ubi ait: *Sicut scibilia naturalia sunt priora scientiæ nostræ, & mensura ejus; ita scientia Dei est prior quam res naturales, & mensura ipsarum.* Et 1. 2. quest. 93. art. 1. ad 3. *Ratio intellectus divini aliter se habet ad res, quam ratio humani intellectus.* Intellectus enim

E humanus est mensuratus à rebus, ut scilicet conceptus hominis non sit verus propter seipsum: sed dicitur verus ex hoc quod consonat rebus. Intellectus vero divinus est mensura rerum, quia unaquaque res tantum habet de veritate, in quantum imitatur intellectum divinum. Sed cum hoc principio non posse stare scientiam medium, evidens est, quia talis scientia non est regula, & mensura certitudinis, & veritatis quæ est in rebus futuris; sed potius earum futuritionem, ac veritatem obiectivam supponit, eamque tantum speculatur, & explorat: Ergo scientia media principiis doctrinæ D. Thomæ repugnat.

Quinto, Constat ex pluribus testimoniorum disp. 4. art. 6. §. 2. adductis, D. Thomam docere pri-

scientiam futurorum , saltem absolorum , esse in decreto fundatam , & ab eo dependentem . Id etiam aperte colligitur ex 1. sent. dist. 39. quæst. 1. art. 1. ad 5. ubi dicit : *Licet esse & scire Dei sint idem secundum rem , tamen scire sequitur voluntatem , ut imperatur ab ipsa.* Et art. 2. ad 1. ait : *Ipsum scire in Deo esse subiectum libertati voluntatis.* Hinc verò precludi viam ad scientiam medium , §. præcedenti ostendimus ; nam si præscientia futurorum mitatur decreto , illud debet esse infallibile , & ab intrinseco cum illis connexum , ac proinde de se efficac , & efficiens liberam determinationem voluntatis , subindeque excludens scientiam medium , quæ supponit decretum indifferens , & à voluntate humana , quoad speciem actus , determinabile .

53. Sexto , Quotiescumque D. Thomas explicat concordiam nostra libertatis cum divinis decretis , recurrit ad infinitam efficaciam divina voluntatis , attingentis non solum substantiam , sed etiam modum libertatis in nostris operationibus , ut constat ex 1. p. quæst. 19. art. 8. ex primo contra Gentes cap. 55. & ex aliis locis suprà à nobis citatis : Ergo non admittit scientiam medium . Consequentia patet , si enim illam agnosceret , non deberet recurrere ad infinitam illam efficaciam divina voluntatis , sed potius ad præscientiam futuri consensus , & ad scientiam illam exploratricem , quæ Deus scrutatur ac explorat quid homo ex innata libertate volitus sit , & ad quid determinabit concursum indifferenteum quem illi offert , sicut ejus defensores docent .

54. Septimò , Idem S. Doctor 1. 2. quæst. 10. art. 2. ad 1. & 3. contra Gent. cap. 89. docet , quod licet homo sit dominus suorum actuum , propter deliberationem rationis , que potest electi ad unam partem , vel ad aliam : tamen quod deliberet , vel non deliberet , quod eligat , vel non eligat , hoc debet reduci in aliquod primum deliberans & eligens , quod sit melius ratione humanâ , scilicet in Deum , qui est primum liberum , & primum principium nostrorum consiliorum & voluntatum . Unde 1. Perhier. lect. 14. sic ait : *Voluntas divina est intelligenda , ut extra ordinem eniunxeris , & velut causa quadam profundens totum ens , & omnes ejus differentias: sunt autem differentiae entis , possibile & necessarium : & ideo ex ipsa voluntate divina , originantur necessitas , & contingencia in rebus.* Quibus verbis reducit ipsam libertatem , & contingentiam rerum , ad ipsam voluntatem divinam , ut ad primum liberum , & primum determinans , ac profundens totum ens & omnes ejus differentias ; non verò ad ipsam voluntatem humanam , quæ solum est secundum liberum , & secundum determinans . Ex quo etiam principio sequitur destructio scientia media , quæ non reddit libera electionem nostræ voluntatis , in Deum ut in primum eligens , & primum deliberans , ac determinans ; sed potius in liberum arbitrium creatum , ex innata libertate , & domino veluti à Deo emancipato , ut dicunt Adversarij , seipsum determinans ad speciem actus , sub concursu indifferenti ipsi à Deo oblato . Unde (ut infra ostendimus) scientia media subtrahit à divina causalitate , & providentia , liberam nostræ voluntatis determinationem .

55. Octavò , D. Thomas 1. p. quæst. 14. art. 8. ad 1. & quæst. 2. de verit. art. 14. ad 1. docet non ideo res sciri à Deo , quia futuræ sunt ; sed ideo futuræ esse , quia sciuntur à Deo ; per scientiam sei-

A licet prædicam , & applicatam à decreto , ut disp. 3. art. 4. ostendimus : unde explicat dictum Origenis dicentis , quia futurum est aliquid , ideo sciatur à Deo ; & dicit hoc non esse intelligendum , secundum causam essendi , sed tantum secundum causam inferendi : id est in sensu tantum illativo , & non causali . At hoc principium repugnat etiam scientia media , ejusque assertoribus , qui docent , ideo res futuras sciri à Deo , quia futuræ sunt ; & negant ideo illas esse futuras , quia sciuntur à Deo : Ergo idem quod priùs .

B Nonò , Molina & alij defensores scientia media , docent prædestinationem esse tantum certam certitudine causalityatis mediorum : Sed hoc reprobatur à D. Thoma quæst. 6. de verit. art. 3. ubi dicit , *esse contra Scripturam & dicta Sanctorum.* Et quolibet . 12. art. 3. inquit , *prædestinationem habere certitudinem , ex parte scientia Dei , quia non potest falli ; ex parte voluntatis divine , cui non potest aliquid resistere ; & ex parte prævidentie , quæ certissimo modo ducit ad finem.* Item quæst. 6. de verit. art. 3. ait , *prædestinationem addere prescientia habitudinem cause.* Ergo scientia media repugnat principiis doctrinæ Divi Thoma .

C Denique disputatione præcedenti ostendimus , decreta absoluta ex parte subjecti , & conditio-
nata ex parte objecti , in Deo admittenda esse ,
juxta S. Doctoris principia , præsertim juxta principium illud quod in ejus doctrina certissimum , & communissimum est , Deum omnium in seipso ut in causa cognoscere : Sed cum decretis illis conditionatis scientia media cohædere ne-
quit , ut de se patet , ejusque defensores faten-
tur : Ergo illa de medio tollenda est , si stare ve-
limus doctrinam D. Thoma principiis . Unde Sal-
manticenses referunt Curiëlem Doctorem Sal-
mantensem celeberrimum , cùm primùm scientiam medium docuisse , eam post modum retræ-
stasse ; cùm enim totum septennium uni Summa D. Thome , cum Cajetani Commentariis le-
gendæ (cuius amore , ut Jacob Rachelis potiundæ studio , flagrabat) impendisset , nulla hujus scientia semina velutigia in ea reperire potuit ,
cùm maximè vellet ; sed potius illam , Angelica doctrinæ principiis aperiissimè repugnare , com-
petit . Vir est toto orbe celeberrimus , & supra omnem laudem , nullique partium addicetus , in p. & in scientiam medium aliquando pronior , cui subinde major fides habenda , quam illi nostrum , aut è Societate . Ex quo intelliges , gratis à Patre Annato dictum : *Thomistas apud D. Thomam scientiam medium quæscivisse , sed in modum illius , qui cùm breviarium suum perdidisset , ita querebat ut inveniendum timeret.*

E

ARTICVLVS V.

Variis argumentis , ex principiis suprà statutis defunctis , expungitur scientia media .

H Ec argumenta fusè , & lato calamo , dis-
putationibus præcedentibus expendimus ;
nunc ea hic in unum colligemus , & breviter ac
dilucidè exponemus .

§. I.